

四庫全書

子部

欽定四庫全書

子部  
類經圖翼卷六

詳校官太醫院醫官臣姜晟

編修臣倉聖脈覆勘

總校官知縣臣楊懋珩

校對官中書臣稽承志

謄錄監生臣胡宗高

欽定四庫全書

類經圖翼卷六

明 張介賓 撰

經絡 四

手太陰肺經穴

肺經穴歌

手太陰經十一穴中府雲門天府列俠白尺澤孔最  
存列缺經渠太淵涉魚際直出大指端內側少商如

韭葉

中府

一名膺中俞

在雲門下一寸去任脈中行六寸乳上

三肋間陷中動脈應手仰而取之○肺之募也

募結募也

為經氣之所聚他放此

○手足太陰之會○刺三分留五呼灸

三壯五壯

埤雅云壯者言以壯人為法也

主治肺急胃滿喘逆善噎食不下肺膽寒熱欬嘔膿

血肺風面腫汗出肩息背脊痛涕濁喉痺少氣不得

卧飛尸遁注癭瘤○此穴主寫胃中之熱其治多

與大杼缺盆風府同

千金云身體煩熱刺中府○又云上氣欬逆短氣氣  
滿食不下灸五十壯

百證賦云同意舍能治胃滿噎噎

雲門 在巨骨下夾氣戶旁二寸去中行六寸陷中動  
脈應手舉臂取之○刺三分灸五壯甲乙經云刺太  
深令人逆息千金云灸五十壯

主治傷寒四支熱不已欬逆短氣上衝心胃脇肋煩

滿徹痛喉痺癭氣臂不得舉○此穴主寫四支之熱其治與肩髃委中腰俞大同

千金云病癭上氣胃滿炎百壯

天府 在臂臑內廉腋下三寸動脈陷中以鼻取之○刺四分留三呼禁炎炎之令人氣逆

主治暴痺內逆肝邪相搏卒中惡風邪氣血溢口鼻飛尸鬼注惡語悲泣善忘喘息不得安卧痲瘡寒熱目瘡癭氣

千金翼云身重嗜卧不自覺灸五十壯刺三分補之

○又病癭惡氣灸五十壯

百證賦云兼合谷可追鼻中衄血

俠白 在天府下去肘上五寸動脈中○手太陰之別

刺四分留三呼灸五壯

主治心痛氣短乾嘔煩滿

尺澤 在肘中約文上屈肘橫文筋骨罅中動脈○手

太陰所入為合肺實寫之○刺三分留三呼灸三壯

五壯○甄權云臂屈伸橫文間筋骨罅中不宜  
灸

主治嘔吐上氣喉痺鼓頷心煩身痛不得汗舌乾欬  
唾膿血心痛氣短肺積息賁痰瘡汗出中風肩背  
痛洒淅寒熱風痺肘攣四支腫痛不得舉脇痛腹  
脹小便數溺色變遺失無度面白善噫悲愁不樂  
及小兒慢驚風可灸一壯

千金翼云邪病四支重痛諸雜候尺澤主之一名鬼



堂○又治嘔吐上氣灸三壯七壯○又治氣短不  
語灸百壯

玉龍賦云理筋急○又云兼曲池療肘臂攣痛

靈光賦云吐血定喘須補此穴

席弘賦云治五般肘痛又須鍼清冷淵以收功

孔最 在腕上七寸陷中○手太陰之郄○刺三分留  
三呼灸五壯

主治熱病汗不出灸三壯即汗出及欬逆肘臂痛屈

伸難吐血失音頭疼咽痛

列缺 在腕後側上一寸五分滑氏曰以手交叉當食  
指末筋骨罅中是穴○此手太陰之絡從腕後別走  
陽明直出食指內廉出其端凡人有反關脈者寸關  
尺三部正脈不見而見於列缺陽谿此經脈虛而絡  
脈滿千金翼謂陽脈逆反大於寸口三倍者是也○  
刺二分留三呼灸三壯慎酒麪生冷等物  
主治偏風口眼喎斜手肘痛無力半身不隨口噤不

開痲瘧寒熱煩躁欬嗽喉痺嘔沫縱脣健忘驚癇  
善笑妄言妄見面目四肢癱腫小便熱痛實則肩  
背暴腫汗出虛則肩背寒慄少氣不足以息四肢  
厥逆瘕癥尸厥若患偏風灸至百壯若患腕勞灸  
七七壯甚妙

千金云男子陰中疼痛尿血精出灸五十壯  
玉龍賦云兼太淵治欬嗽風痰

攔江賦云頭部痛須尋之痰涎壅塞咽乾宜此

席弘賦云氣刺兩乳求太淵未應須寫此穴偏正頭  
疼求此又須重寫太淵無不應

通玄賦云堪治欬嗽寒痰

四總穴云頭項須尋列缺

千金十一穴云後谿并列缺治胃項有痛

馬丹陽天星十二穴云此穴善療偏頭患偏身風痺

麻痰涎頻上壅口噤不開牙若能明補寫應手疾

如拿

經渠 在寸口陷中○手太陰所行為經○刺三分留  
三呼禁灸則傷人神明

主治痲瘡寒熱胃背拘急膨脹喉痺欬逆上氣數欠  
傷寒熱病汗不出心痛嘔吐

百證賦云兼大都治熱病汗不出

太淵 在手掌後陷中○手太陰所注為腧即原也○  
脈會太淵每日平旦寅時脈從此始故一難曰寸口  
者脈之大會○刺二分留二呼灸三壯

主治胃痺氣逆欬嗽嘔噦飲水肺脹喘息不休噫氣  
欬血心痛咽乾煩躁狂言不得卧目痛生翳赤筋  
口噤缺盆痛肩背痛引臂膊溺色變遺失無度  
神農經曰治牙疼手腕無力疼痛可灸七壯

玉龍賦云蕪列缺治欬嗽風痰

席弘賦云治氣刺兩乳求太淵未應之時鍼列缺○  
又云偏正頭疼尋列缺重寫太淵無不應○又云  
五般肘痛尋尺澤太淵鍼後却收功

魚際 在手大指本節後內側陷中又云散脈中白肉

際○手太陰所溜為榮○刺二分留三呼灸三壯

主治酒病身熱惡風寒虛熱舌上黃頭痛欬噦傷寒  
汗不出痺走胃背痛不得息目眩煩心少氣寒慄  
喉咽乾燥嘔血唾血心痺悲恐腹痛食不下乳癰  
肢滿肘攣溺出及瘡方欲寒刺手足太陰陽明出  
血

席弘賦云此穴兼承山崑崙治轉筋目眩

百證賦云蕪液門能治喉痛

一傳此穴蕪經渠通里可治汗不出者便得淋漓更兼三間三里便得汗至遍身

一傳齒痛不能食飲左患灸左右患灸右男三女四少商 在手大指內側端去爪甲角如韭葉白肉際宛宛中○手太陰所出為井○刺一分留三呼五吸宜用三稜鍼刺微出血洩諸藏之熱不宜灸甲乙經云灸一壯一云三壯忌生冷



主治項腫喉痺煩心嘔噦心下滿汗出欬逆痲瘡振  
寒腹脹腸滿雀目不明脣乾唾沫引飲食不下寒  
慄鼓頷手攣指痛小兒乳蛾○唐刺史成君綽忽  
項腫如升喉閉水粒不下甄權以三稜鍼刺之微  
出血立愈

乾坤生意云此為十井穴凡初中風卒暴昏沈痰涎  
壅盛不省人事牙關緊閉藥水不下急以三稜鍼  
刺此穴及少衝中衝關衝少澤商陽使血氣流行

乃起死回生急救之妙穴

太乙歌云男子痲痺取少商

百證賦云兼曲澤治血虛口乾

天星秘訣云專治指痛攣急

手陽明大腸經穴

大腸經穴歌

手陽明穴起商陽二間三間合谷臧陽谿偏歷歷溫  
溜下廉上廉三里長曲池肘髁迎五里臂臑肩髃巨

骨起天鼎扶突接禾膠終以迎香二十止

商陽

一名絕陽

在手食指內側去爪甲角如韭葉○手陽

明所出為井○刺一分留一呼灸三壯

主治胃中氣滿喘欬熱病汗不出耳鳴耳聾寒熱痰

瘡口乾頤腫齒痛目盲惡寒肩背肢臂腫痛相引

缺盆中痛灸三壯左取右右取左如食頃立已

百證賦云兼太谿治寒瘡有驗

乾坤生意云此為十井穴凡初中風跌倒卒暴昏沈

痰盛不省人事牙關緊閉藥水不下急以三稜鍼  
刺此穴及少商中衝少衝使血氣流通乃急救回  
生之妙穴

二間

一名間谷

在食指本節前內側陷中○手陽明所溜

為漿○刺三分留六呼灸三壯

主治頷腫喉痺肩背膈痛歛衄齒痛目黃口乾口眼  
歪斜飲食不通振寒傷寒水結

玉龍賦云治牙疼妙

席弘賦云蕪陽谿治牙疼腰痛咽痺

百證賦云兼陰郄能疏通寒慄惡寒

通玄賦云治目昏不見

天星秘訣云兼三里治牙疼頭痛喉痺

三間

一名少谷

在食指本節後內側陷中○手陽明所注

為臚○刺三分留三呼灸二壯

主治飢熱病喉痺咽中如梗下齒齠痛嗜卧胃腹

滿腸鳴洞泄寒熱瘡脣焦口乾氣喘目背痛善驚

寒熱結水多唾

席弘賦云兼腎俞善除背痛風勞

百證賦云兼攢竹治目中之漠漠

捷經云治身熱氣喘口乾目急

合谷

一名虎口

在手大指次指岐骨間陷中○手陽明所

過為原○刺三分留六呼灸三壯

主治傷寒大渴脈浮在表發熱惡寒頭痛脊強風疹  
寒熱痲瘡熱病汗不出偏正頭痛面腫目翳唇吻

不收瘖不能言口噤不開腰脊引痛痿躄小兒乳  
蛾○一云能下死胎婦人妊娠補合谷即墮胎千  
金云產後脈絕不還刺合谷入三分急補之

神農經云治鼻衄目痛不明牙疼喉痺疥瘡可灸三  
壯至七壯

攔江賦云傷寒無汗寫合谷補復溜若汗多不止便  
補合谷寫復溜神效

席弘賦云兼太衝治手連肩脊痛難忍○又兼曲池

治兩手不如意○又云睛明治眼若未效合谷光  
明不可缺○又云冷嗽先宜補合谷又須鍼寫三  
陰交

百證賦云兼天府治鼻衄

天星秘訣云兼三陰交治脾病血氣○又云兼內庭  
治寒瘡面腫及腸鳴

四總穴云面口合谷收

千金十一穴云曲池兼合谷可徹頭疼



馬丹陽天星十二穴云療頭疼并面腫瘡病熱還寒  
體熱身汗出目暗視茫然齒齧鼻衄血口噤不開  
言鍼入五分深能令病自安

陽谿

一名中魁

在手腕中上側兩筋間陷中○手陽明所  
行為經○刺三分留七呼灸三壯

主治狂言喜笑見鬼熱病煩心掌中熱汗不出目赤  
爛翳厥逆頭痛胸滿不得息寒熱痰瘡嘔沫喉痺  
耳鳴齒痛驚掣肘臂不舉痂疥

席弘賦云兼二間治牙疼腰痛喉痺

百證賦云兼解谿治驚悸怔忡○又云兼肩髃能消  
癰風之熱極

偏歷 在手腕後三寸○手陽明絡別走太陰○刺三  
分留七呼吸三壯

主治痲瘡寒熱癰疾多言目視眈眈耳鳴喉痺口喎  
咽乾鼻衄齒痛汗不出

標幽賦云刺偏歷利小便治大人水蠱

溫溜

一名逆注  
一名蛇頭

在手腕後小士五寸大士六寸

大士  
小士

謂大人  
小兒也

明堂云腕後五寸六寸間○手陽明郄○刺

三分灸三壯

主治傷寒噦逆噫隔氣閉寒熱頭痛喜笑狂言見鬼  
吐沫口舌腫痛喉痺面虛腫腸鳴腹痛四肢腫疼  
肩不得舉

百證賦云兼期門治傷寒項強

下廉 在曲池下四寸輔骨下去上廉一寸輔兌肉其

分外科○刺五分留五呼灸三壯

主治勞瘵狂言頭風痺痛飧泄小腹滿小便血小腸  
氣面無顏色疔瘕腹痛不可忍食不化氣喘涎出  
乳癰○此穴主寫胃中之熱與氣衝三里巨虛上  
廉治同

上廉 在三里下一寸曲池下三寸其分獨抵陽明之  
會外科○刺五分灸五壯

主治腦風頭痛胸喘息半身不遂腸鳴小便濇大

腸氣滯手足不仁○此穴主寫胃中之熱與氣衝三里巨虛下廉治同

三里

一名手三里

在曲池下二寸兌肉之端按之肉起○

刺三分灸三壯

主治中風口瘅手足不隨五勞虛乏羸瘦霍亂遺失失音齒痛頰腫瘰癧手痺不仁

席弘賦云此穴治腰背痛連臍不休下鍼麻重須寫得氣不用留○又云手足上下鍼三里食痺氣塊

憑此取

百證賦云兼少海治手臂麻頑

通玄賦云專治肩背痛

曲池 在肘外輔骨屈肘曲骨之中以手拱胸取之○

手陽明所入為合○刺七分留七呼灸三壯一云百壯

主治傷寒振寒餘熱不盡胸中煩滿熱渴目眩耳痛  
癩癰喉痺不能言瘕癰癩疾繞踝風手臂紅腫肘

中痛偏風半身不遂風邪泣出臂膊痛筋緩無力  
屈伸不便皮膚乾燥痂疥婦人經脈不通

神農經云治手肘臂膊疼細無力半身不遂發熱胸  
前煩滿可灸十四壯

玉龍賦云兼人中可治痿仆兼尺澤治肘痛

標幽賦云兼肩井甄權刺臂痛而復射

百證賦云遠達陽陵治半身不遂○又云蕪少衝治

發熱驗

席弘賦云兼合谷治兩手不如意

千金云治癭惡氣諸癭疹灸隨年壯○又十三鬼穴  
此名鬼臣若遇百邪癩狂當於第十二次下火鍼  
千金十一穴云此與合谷可徹頭疼

秦承祖明堂云主大人小兒遍身風疹痂疥

馬丹陽天星十二穴云善治肘中痛偏風手不收挽  
弓開不得臂癩莫梳頭喉痺促欲死發熱更無休  
遍身風癩癩鍼著即時瘳



肘髎 在肘大骨外廉陷中與天井相並相去一寸四分  
○刺三分灸三壯

主治肘節風痺臂痛不舉麻木不仁嗜卧

五里 在肘上三寸行向裏大脈中央一云在天府下

五寸○禁刺灸三壯一曰十壯○玉版篇曰迎之五

里中道而止五至而已五往而藏之氣盡矣小鍼解

曰奪陰者死言取尺之五里五往者也皆謂此穴

主治風勞驚恐吐血欬嗽嗜卧肘臂疼痛難動脹滿

氣逆寒熱癩癰目視眈眈痲瘰

百證賦云兼臂臑能愈癩瘰

臂臑 在肘上七寸腓肉端肩髃下一寸兩筋兩骨罅  
宛宛陷中平手取之○手陽明絡也絡手少陽之臑  
會一曰手足太陽陽維之會○刺三分灸三壯明堂  
禁刺灸七壯一曰灸至百壯

主治臂痛無力寒熱癩瘰頸項拘急

千金云治癭氣灸隨年壯

百證賦云兼五里能愈瘰癧

肩髃

一名中肩井  
一名偏肩

在膊骨頭肩端上兩骨罅陷中舉

臂取之有空○手太陽陽明陽蹻之會一曰足少陽  
陽蹻之會○刺六分留六呼灸三壯至七七壯以瘥  
為度

主治中風偏風半身不遂肩臂筋骨痠痛不能上頭  
傷寒作熱不已勞氣泄精憔悴四支熱諸癭氣瘰  
癧昔有病風痺臂痛無力不能挽弓甄權於此進

鍼即可射○此穴若灸偏風不遂自七壯至七七壯止不可過多恐致臂細若風病筋骨無力久不瘥當多灸不畏細也然灸不如刺忌酒肉五辛漿水○此穴主寫四肢之熱與雲門委中腰俞治同千金云灸瘦氣左右相當男左十八右十七壯女右十八左十七壯再三以差止

玉龍賦云可療風濕搏於兩肩

天星秘訣云手臂攣痛取肩髃

百證賦云兼陽谿能消癰風之熱極

巨骨 在肩尖上行兩叉骨間陷中○手陽明陽蹻之  
會○刺一寸五分灸三壯五壯一曰禁刺主治驚癇  
吐血胃中有瘀血臂痛不得屈伸

天鼎 在頸中缺盆上直扶突後一寸甲乙經曰直扶  
突氣舍後一寸五分氣府論註曰在扶突後半寸○  
刺三分灸三壯

主治喉痺噤腫不得食暴瘖氣哽

百證賦云兼間使治失音

扶突

一名水穴

在頸當曲頰下一寸甲乙經曰在人迎後

一寸五分仰而取之一云氣舍後一寸五分○由此  
上貫頰入下齒中○刺四分灸三壯甲乙經曰刺三  
分

主治欬嗽多唾上氣喘息喉中如水雞暴瘖氣破項  
瘦

禾膠

一名長頻

直鼻孔下夾水溝旁五分○刺三分灸三壯

主治尸厥口不可開鼻瘡息肉鼻塞齁衄

靈光賦云刺兩鼻齁衄

迎香

一名  
衝陽

在禾膠上一寸鼻孔旁五分○手足陽明

之會○刺三分禁灸

主治鼻塞不聞香臭瘰肉多涕有瘡齁衄喘息不利

偏風喎斜浮腫風動面癢狀如蠱行

玉龍賦云能消眼熱之紅○又攻鼻塞為最

席弘賦云耳聾氣痞鍼聽會更寫此穴

足陽明胃經穴

胃經穴歌

四十五穴足陽明承泣四白巨膠經地倉大迎登頰  
車下關頭維對人迎水突氣舍連缺盆氣戶庫房屋  
翳屯膺窻乳中下乳根不容承滿出梁門關門太乙  
滑肉起天樞外陵大巨裏水道歸來達氣衝髀關伏  
兔走陰市梁邱犢鼻足三里工巨虛連條口底下巨  
虛下有豐隆解谿衝陽陷谷同內庭厲兌陽明穴大



指次指之端終

承泣

一名面髻  
一名鰓穴

在目下七分上直瞳子陷中○陽蹻

任脈足陽明三脈之會○刺三分禁灸一曰禁不宜

鍼

主治冷淚出瞳子癢遠視眈眈昏夜無見口眼喎斜

四白 在目下一寸直瞳子向頰骨顴穴正視取之○

刺三分禁灸○甲乙經曰灸七壯一曰下鍼宜慎若

深即令人目烏色

主治頭痛目眩目赤生翳動流淚眼弦癢口眼喎  
僻不能言

巨膠 夾鼻孔旁八分直瞳子○陽蹻足陽明之會○由  
此入上齒中復出循地倉○刺三分灸七壯

主治瘰癧脣頰腫痛口喎目暈青盲無見遠視眈眈  
面風鼻頰腫脚氣膝脛腫痛

百證賦云兼腎俞治胸膈停留瘀血

地倉

一名會維

夾口吻旁四分外如近下微有動脈若久

患風其脈亦有不動者○手足陽明任脈陽蹻之會  
○刺三分留五呼灸七壯或二七壯重者七七壯病  
左治右病右治左艾炷宜小如麤釵脚若過大口反  
啗却灸承漿即愈

主治偏風口眼歪斜牙關不開齒痛頰腫目不得閉  
失音不語飲食不收水漿漏落眼瞬動遠視眈眈  
昏夜無見

靈光賦云地倉能止口流涎

玉龍賦云兼頰車療口喎

大迎

一名頰孔

在曲頷

頷腮下也

前一寸三分骨陷中動脈○

本經自大迎循頰車上耳前下關頭維其支者從大迎前下人迎○寒熱病篇曰臂陽明有入鳩偏齒者名曰大迎則此為手足陽明之會○刺三分留七呼吸三壯

主治風痙口瘖口噤不開脣吻潤動頰腫牙痛舌強不能言目痛不得閉口喎數欠風壅面腫寒熱瘰

瘕

百證賦云兼頰膠治目眩

頰車

一名機關  
一名曲牙

在耳下曲頰端近前陷中側卧開口

取之○刺三分灸三壯一曰灸七壯至七壯炷如小麥

主治中風牙關不開失音不語口眼歪斜頰腫牙痛  
不可嚼物頸強不得回顧凡口眼喎斜者喎則左  
寫右補斜則左補右寫

靈光賦云鍼齒痛

玉龍賦云兼地倉療口喎

下關 在客主人下耳前動脈下廉合口有空開口則

閉側卧閉口取之○足陽明少陽之會○刺三分留

七呼灸三壯○本輸篇曰刺之則欠不能吐者此也

耳中有乾槩禁不可灸一曰不可久留鍼

槩一作  
槩音槩○

主治偏風口眼喎斜耳鳴耳聾痛癢出膿失欠牙關

脫臼

頭維 在額角入髮際夾本神旁一寸五分神庭旁四寸五分○足少陽陽明之會○刺三分沒皮向下禁灸

主治頭風疼痛如破目痛如脫淚出不明

玉龍賦云兼攢竹能治目疼頭痛

百證賦云兼臨泣可治淚出

人迎

一名天五會

在頸下夾結喉旁一寸五分大動脈應

手仰而取之○足陽明少陽之會○甲乙經曰夾結

喉以候五藏氣○禁灸氣府論註曰刺可入四分過  
深殺人

主治吐逆霍亂胸滿喘呼不得息項氣悶腫食不下  
鍼入四分

天星秘訣云耳鳴腰痛先此後耳門及三里

水突

一名水門

在頸大筋前直人迎下夾氣舍上內貼氣

喉○刺三分灸三壯

主治欬逆上氣咽喉癰腫短氣喘息不得卧



氣舍 在頸大筋前直人迎下夾天突邊陷中貼骨尖  
上有缺○刺三分灸五壯

主治欬逆上氣肩腫項強不能回顧喉痺哽咽食飲  
不下癭瘤

缺盆

一名天蓋

在肩上橫骨陷者中○為五藏六府之道

○刺三分留七呼灸三壯刺太深令人逆息○孕婦  
禁鍼

主治喘急息責欬胸滿水腫癰癰寒熱缺盆中腫

外漬傷寒胸中熱不已喉痺汗出

一曰主寫胸中之熱治與大杼中府風府同

氣戶 在巨骨下夾俞府兩旁各二寸去中行四寸陷中仰而取之○刺三分灸三壯五壯

主治欬逆上氣胸背痛支滿喘急不得息不知味  
席弘賦云此穴攻噎若不愈兼灸氣海

百證賦云兼華蓋穴除脇肋痛有驗

庫房 在氣戶下一寸六分去中行四寸陷中仰而取

之○刺三分灸三壯五壯

主治胸脅滿欬逆上氣呼吸不利唾膿血濁沫

屋翳 在庫房下一寸六分去中行四寸陷中仰而取之○刺三分灸五壯

主治欬逆上氣唾膿血濁痰身腫皮膚痛不可近衣  
淫灑瘕瘕不仁

百證賦云兼至陰穴治遍身風癢之疼多

膺臑 在屋翳下一寸六分巨骨下四寸八分去中行

四寸陷中仰而取之○刺四分灸五壯

主治胸滿短氣不得卧腸鳴注泄乳癰寒熱

乳中 當乳之中○微刺禁灸甲乙經曰禁不可刺氣  
府論注曰刺灸之生蝕瘡瘡中有清汁膿血者可治  
瘡中有瘳肉若蝕瘡者死

一傳胎衣不下以乳頭向下盡處但灸之即下

乳根 在乳中下一寸六分去中行四寸陷中仰而取  
之○刺三分灸三壯五壯

主治胃下滿痛臂痛乳痛淒淒寒熱霍亂轉筋四厥  
神農經云治胃下滿痛上氣喘急可灸七壯

玉龍賦云兼俞府治氣嗽痰哮

捷經云治憂噎

華陀明堂云主膈氣不下食噎病

千金云治反胃吐食上氣灸兩乳下各一寸以瘥為  
度

居家必用云灸欬逆凡久病得欬逆最為惡候其法

於乳下一指許正與乳相直間陷中女人即屈乳  
頭度之乳頭齊處是穴艾炷如小豆許灸三壯男  
左女右火到肌即瘥不瘥則不可治

不容 在第四肋端幽門旁一寸五分去中行二寸對  
巨闕甲乙經曰去任脈二寸至兩肘端相去四寸○

按甲乙經曰腹自不容以下至氣衝二十四穴夾幽  
門兩旁各一寸五分諸書皆同及考幽門則止去中  
行五分是不容以下諸穴當去中行二寸而諸云三

寸者非今悉改為二寸○刺五分灸五壯

主治腹滿痙瘳胃背肩脅引痛心痛唾血喘嗽嘔吐  
痰癖腹虛鳴不嗜食疝瘕

承滿 在不容下一寸去中行二寸對上腕○刺三分  
灸五壯甲乙經云刺八分

主治腹脹腸鳴脅下堅痛工氣喘急食飲不下肩息  
隔氣唾血

千金云夾巨闕相去五寸名承滿主腸中雷鳴相逐

痢下灸五十壯

梁門 在承滿下一寸去中行二寸對中脘○刺三分

灸五壯甲乙經作刺八分○孕婦禁灸

主治胸脅積氣飲食不思氣塊疼痛大腸滑泄完穀

不化可灸七壯至二十一壯

關門 在梁門下一寸去中行二寸對建里○刺八分

灸五壯一云五分三壯

主治積氣脹滿腸鳴切痛泄痢不食走氣俠臍急痛



痲瘡振寒遺溺

太乙 在關門下一寸去中行二寸對下腕○刺八分  
灸五壯一云五分三壯

主治心煩癲狂吐舌

滑肉門 在太乙下一寸天樞上一寸去中行二寸對  
水分○刺八分灸五壯一云五分三壯

主治癲狂嘔逆吐血重舌舌強

天樞

一名長谿  
一名穀門

夾臍旁二寸去盲俞一寸五分陷中

○大腸募也○刺五行留七呼灸五壯拔萃云百壯○千金云魂魄之舍不可鍼孕婦不可灸

主治奔豚泄瀉赤白痢水痢不止食不化水腫腹脹腸鳴上氣衝胃不能久立久積冷氣遶臍切痛時上衝心煩滿嘔吐霍亂寒瘡不嗜食身黃瘦女人癥瘕血結成塊漏下月水不調淋濁帶下

千金云久冷及婦人癥瘕小便不通腸鳴瀉痢繞臍絞痛灸百壯三報之○又云吐血腹痛雷鳴灸百

壯○又云狂言恍惚灸百壯○又云霍亂先下痢  
灸二七壯不瘥更二七壯男左女右

標幽賦云治虛損

百證賦云兼水泉治月潮違限

一傳治夾膝疼痛腹中氣塊久瀉不止虛損勞弱可

灸二十一壯

外陵 在天樞下一寸去中行二寸對陰交○刺三分

灸五壯甲乙經作刺八分

主治腹痛心下如懸下引臍痛

大巨

一名腋門

在天樞下二寸去中行二寸對石門○刺

五分灸五壯甲乙經刺八分

主治小腹胀滿煩渴小便難瀆疝四肢不收驚悸不

眠

水道 在大巨下三寸去中行二寸○刺一寸五分灸

五壯一曰刺八分半

主治肩背强急痠痛三焦膀胱腎氣熱結大小便不

利疝氣偏墜婦人小腹脹痛引陰中月經至則腰  
腹脹痛胞中瘕子門寒

千金云主三焦膀胱腎中熱氣炎隨年壯

百證賦云兼筋縮專治脊強

歸來一名  
豁穴

在水道下二寸去中行二寸○刺八分灸

五壯一曰刺二分半

主治奔豚九疝陰丸上縮入腹引痛婦人血藏積冷

氣衝一名  
氣街

在歸來下鼠豁上一寸動脈應手宛宛中

去中行二寸骨空論王氏註曰在毛際兩旁鼠鬣上一寸脈動處也○刺禁論王氏註曰氣街之中膽胃脈也膽之脈循脅裏出氣街繞毛際胃之脈夾臍入氣街中○衝脈所起○刺三分留七呼灸七壯甲乙經曰灸之不幸使人不得息一云禁不可鍼艾炷如大麥

主治逆氣上攻心腹脹滿不得正卧奔豚癩疝淫瀼大腸中熱身熱腹痛陰腫莖痛婦人月水不利小

腹痛無子妊娠子上衝心產難胞衣不下○一云  
此穴主寫胃中之熱與三里巨虛上下廉同

千金云治石水炎然谷氣衝四滿章門

百證賦云兼衝門治帶下產崩

東垣曰主血多諸證以三稜鍼刺此穴出血立愈

髀關 在膝上伏兔後交文中一云在膝上一尺二寸

○刺六分灸三壯一云刺三分禁灸

主治腰痛膝寒足麻木不仁黃疸痿痺股內筋絡急

小腹引喉痛

伏兔 在膝上六寸起肉間正跪坐而取之一云在膝蓋上七寸左右各三指按捺上有肉起如兔狀因以此名○刺五分禁灸○千金云狂邪鬼語灸百壯亦可五十壯

主治脚氣膝冷不得溫風痺婦人八部諸疾

陰市

一名陰鼎

在膝上三寸伏兔下陷中拜而取之一云

在膝內輔骨後大筋下小筋上屈膝得之○刺三分



留七呼禁灸○刺腰痛論註曰伏兔下陷者中灸三壯即此

主治腰膝寒如注水痿痺不仁不得屈伸寒疝小腹  
痛滿少氣

千金云水腫大腹灸隨年壯

玉龍賦云兼風市能驅腿足之乏力

通玄賦云膝胛痛陰市能醫

靈光賦云專治兩足拘攣

席弘賦云心疼手顫少海間若要除根覓陰市

梁邱 在膝上二寸兩筋間○足陽明郄○刺三分灸

三壯

主治脚膝痛冷痺不仁不可屈伸足寒大驚乳腫痛  
神農經云治膝痛屈伸不得可灸三壯七壯

犢鼻 在膝髕下胫骨上骨解大筋陷中形如牛鼻故

名一曰在膝頭下近外窟解中○刺六分灸三壯一

曰刺三分○刺禁論曰刺膝髕出液為跛故刺此者

不可輕也

主治膝痛不仁難跪起脚氣若膝髓癰腫潰者不可  
治不潰者可療若積鼻堅鞭勿便攻之先用洗熨  
而後微刺之愈

靈光賦云善治風邪濕

三里

即下陵出  
本輸篇

在膝眼下三寸胫骨外廉大筋內宛

宛中坐而豎膝低跗取之極重按之則跗上動脈止  
矣○足陽明所入為合○刺五分留七呼灸三壯干

金云灸二百壯至五百壯○一云小兒忌灸三里三十外方可灸不爾反生疾○秋月不宜出血恐土虛也

主治胃中寒心腹脹痛逆氣上攻臧氣虛憊胃氣不足惡聞食臭腹痛腸鳴食不化大便不通腰痛膝弱不得俯仰小腸氣○此穴主寫胃中之熱與氣衝巨虛上下廉同

秦承祖曰諸病皆治食氣水氣蠱毒瘧四支腫滿

膝脗痠痛目不明

華陀云療五勞七傷羸瘦虛乏瘀血乳癰

外臺明堂云人年三十已外若不灸三里令氣上衝  
目使眼無光蓋以三里能下氣也

一傳心疼者灸此穴及承山立愈以其中有瘀血故  
寫此則愈

千金云三里內庭治肚腹病妙○又身重腫坐不欲  
起風勞脚疼灸五十壯刺五分補之○又邪病大

呼罵走三里主之名鬼邪

神農經云治心腹脹滿胃氣不足飲食不化疰瘕氣塊吐血腹內諸疾五勞七傷灸七壯

太乙歌云兼束骨刺治項強腫痛體重腰癱

玉龍賦云兼絕骨三陰交能治連延脚氣○又治心悸虛煩○又兼水分陰交蠱脹宜刺○又合太衝中封治行步艱楚

百證賦云兼陰交治中邪霍亂

靈光賦云治氣上壅○又兼陽陵陰陵申脈照海治  
脚氣及在腰之疾

席弘賦云治手足上下疾亦治食癖氣塊○又云虛  
喘宜尋三里中○又胃中有積刺璇璣此穴功亦  
多○又氣海專治五淋又須鍼三里○又治耳內  
蟬鳴腰欲折須兼五會補寫之始妙○又云若鍼  
肩井須三里不刺之時氣未調○又治腰連胯痛  
○又治脚腫脚痛須兼懸鍾陽陵陰陵三陰交太

衝行氣并治指頭麻木○又腕骨腿疼寫此穴○

又兼風府鍼度淺深更尋三里治膀胱氣未散

通玄賦云能却五勞之羸瘦○又云治冷痺

捷法云治食不充飢

天星秘訣云耳鳴腰痛先五會後耳門三里○又云

胃停宿食後尋三里起璇璣○又云兼二間治牙

疼頭痛并喉痺○又云兼期門治傷寒過經不出

汗



四總穴云肚腹三里留

馬丹陽天星十二穴云能除心脅痛腹脹胃中寒腸  
鳴并泄瀉眼腫膝脛痠傷寒羸瘦損氣蠱及諸般  
年過三旬後鍼灸眼光全○增治法云治五勞七  
傷腰痛不舉喉痺脅間暴痛不得息欬嗽多痰足  
痿足熱腹中瘀血水腫陰氣不足熱病汗不出喜  
嘔口乾身反折口噤鼓頷胃氣不足聞食即吐泄  
痢水穀不化消渴遺尿失氣陽厥惡寒頭眩小便

不利悉宜鍼灸

上巨虛

一名巨虛上廉

在三里下三寸兩筋骨陷中舉足取

之○海論曰衝脈者其輸下出於巨虛之上下廉○

巨虛上廉足陽明與大腸合

上廉屬大腸下廉屬小腸出本輪篇及邪氣篇

府病形篇

○刺三分灸三壯甲乙經作刺八分千金云灸

以年為壯數

主治藏氣不足偏風脚氣腰腿手足不仁足脛痠骨

髓冷疼不能久立俠臍腹痛腸中切痛飧泄食不

化喘息不能行腹脅支滿狂走○此穴主寫胃中之熱與氣衝三里下巨虛治同

條口 在三里下五寸下廉上一寸舉足取之○刺五分灸三壯甲乙經云刺八分

主治足膝麻木寒痠腫痛跌腫轉筋濕痺足下熱足緩不收不能久立

天星秘訣云蕪衝陽絕骨治足緩難行

下巨虛

一名巨虛下蕪

在上廉下三寸兩筋骨陷中蹲地舉

足取之○巨虛下廉足陽明與小腸合又為衝脈下  
輸○刺三分灸三壯一曰刺八分

主治胃中熱毛焦肉脫汗不得出少氣不嗜食暴驚  
狂言喉痺面無顏色胸脅痛殮泄膿血小腸氣偏  
風腿痿足不履地熱風風濕冷痺胕腫足跗不收  
女子乳癰○此穴主寫胃中之熱與氣衝三里上

巨虛同

豐隆 在外踝上八寸下廉胕骨外廉陷中○足陽明

絡別走太陰○刺三分灸三壯

主治頭痛面腫喉痺不能言風逆癲狂見鬼好笑厥  
逆胃痛如刺大小便難怠惰腿膝痠痛屈伸不便  
腹痛肢腫足清寒濕

太乙歌云兼上腕刺心疼嘔吐傷寒吐虻

玉龍賦云兼肺俞治痰嗽○又云合湧泉關元可治  
屍勞

席弘賦云專治婦人心痛

百證賦云兼強間治頭痛難禁

解谿 在衝陽後一寸五分腕上繫鞋帶處陷中一

曰在足大指次指直上跗上陷者宛宛中刺瘡論註

曰在衝陽後三寸半氣穴論註曰二寸半甲乙經曰

一寸半○足陽明所行為經○刺五分留五呼灸三

壯

主治風氣面浮頭痛目眩生翳厥氣上衝喘欬腹脹

顛疾煩心悲泣驚癡轉筋霍亂大便下重股膝胻

腫又寫胃熱善饑不食食即支滿腹脹及療痲瘡  
寒熱須蕪刺厲兌三里解谿商邱出血

神農經云治腹脹脚腕痛目眩頭疼可灸七壯

玉龍賦云兼商邱墟堪追脚痛

百證賦云兼陽谷治驚悸怔忡

一傳腹虛腫及足脛虛腫灸之效○一傳氣逆發噎  
將死灸之效

衝陽

一名會原即仲景所謂跌陽也

在足跗上五寸高骨間動脈去

陷谷二寸○足陽明所過為原○刺三分留十呼灸  
三壯○刺禁論曰刺跗上中大脈血出不止死即此  
穴也

主治偏風面腫口眼喎斜齒齲傷寒發狂振寒汗不  
出腹堅大不嗜食發寒熱足痿跗腫或胃瘡先寒  
後熱喜見日月光得火乃快然者於方熱時刺之  
出血立寒

天星秘訣云蕪條口絕骨治足緩難行



陷谷 在足大指次指外間本節後陷中去內庭二寸

○足陽明所注為踰○刺五分留七呼灸三壯一曰  
刺三分

主治面目浮腫及水病善噫腸鳴腹痛汗不出振寒  
瘦瘧疝氣少腹痛或胃脈弦者寫此則木平而胃  
氣自盛

千金云治水病灸隨年壯

百證賦云兼下腕能平腹內腸鳴

內庭 在足大指次指外間陷中○足陽明所溜為榮  
○刺三分留十呼灸三壯甲乙經云刺二分留二十  
呼

主治四支厥逆腹滿不得息惡聞人聲振寒咽痛口  
喎齒齟鼻衄癰疹赤白痢瘡不嗜食

一傳主療久瘡不愈并腹脹

玉龍賦云兼臨泣能理小腹之膜

通玄賦云治腹膨休遲

千金十一穴云三里內庭治肚腹病妙

捷經云治石蠱 又云大便不通宜寫此

天星秘訣云兼合谷治寒瘧面腫及腸鳴

馬丹陽天星十二穴云能治四肢厥喜靜惡聞聲癰  
疹咽喉痛數欠及牙疼瘡疾不思食耳鳴鍼便清

厲兌 在足大指次指端去爪甲如韭葉○按本輸篇

曰厲兌者足大指內次指之端也經脈經筋等篇俱  
云中指繆刺篇曰邪客於足陽明之絡刺足中指次

指爪甲上各一痛據此諸篇之說可見中指次指之間皆陽明脈氣所發也○足陽明所出為井○刺一分留一呼灸一壯

主治尸厥口噤氣絕狀如中惡心腹滿水腫熱病汗不出寒熱瘧不食面腫喉痺齒齲惡風鼻不利多驚發狂好卧足寒膝臏腫痛

百證賦云與隱白相諧治夢魘不寧

足太陰脾經穴

脾經穴歌

足太陰脾由足拇隱白先從內側起大都太白繼公  
孫商邱直上三陰塢漏谷地機陰陵泉血海箕門衝  
門前府舍腹結大橫上腹哀食竇天谿連胸鄉周榮  
大包盡二十一穴太陰全

隱白 在足大指內側端去爪甲角如韭葉○足太陰  
所出為井○刺一分留三呼灸三壯

主治腹脹喘滿不得卧嘔吐食不下胸中痛煩熱暴

泄衄血尸厥不識人足寒不得溫婦人月事過時  
不止刺之立愈小兒客忤驚風

百證賦云兼厲兌治夢魘不寧

大都 在大指本節後內側骨縫白肉際陷中○足太  
陰所溜為榮○刺三分留七呼灸三壯

主治熱病汗不出不得卧身重骨痛傷寒手足逆冷  
腹滿嘔吐悶亂腰痛不可俛仰四肢腫痛凡婦人  
孕不論月數及生產後未滿百日俱不宜灸

千金云治大便難灸隨年壯○又霍亂下瀉不止灸

七壯

席弘賦云兼橫骨治氣滯腰痛不能立

百證賦云兼經渠治熱病汗不出

太白 在足大指後內側核骨下赤白肉際陷中○足

太陰所注為臑即原也○刺三分留七呼灸三壯

主治身熱煩滿腹脹食不化嘔吐瀉痢膿血腰痛大

便難氣逆霍亂腹中切痛腸鳴膝股胫痠轉筋身

重骨痛

玉龍賦云治痔漏

通玄賦云能宣導於氣衝

公孫 在足大指內側本節後一寸內踝前陷中正坐  
合足掌相對取之○太陰絡別走陽明○刺四分留  
七呼灸三壯甲乙經曰留二十呼

主治寒瘧不食癰氣好大息多寒熱汗出喜嘔卒面  
腫心煩多飲膽虛腹虛水腫腹脹如鼓脾冷胃痛



神農經云治腹脹心疼可灸七壯

席弘賦云治肚疼須兼內關相應

標幽賦云脾冷胃疼寫公孫而立愈

攔江賦云兼照海治傷寒四日太陰經再行內關施

截法

截法云治九種心疼一切冷氣痰涎隔悶胸中隱痛  
臍腹脹滿氣不消化脅肋下痛起坐艱難泄瀉不  
止裏急後重胸中刺痛兩脅脹滿氣攻疼痛中滿

不快翻胃吐食氣隔五噎飲食不下胃脘停痰口  
吐清水中脘停食疼刺不已嘔吐痰涎眩暈不止  
心瘧令人心內怔忡肝膽令人氣色蒼蒼惡寒發  
熱脾瘧令人怕寒腹中痛肺瘧令人心寒驚怕腎  
瘧令人洒淅寒熱腰脊強痛瘧疾大熱不退或先  
寒後熱及先熱後寒瘧疾心胸疼痛瘧疾頭痛眩  
暈吐痰不已瘧疾骨節痠痛瘧疾口渴不已胃瘧  
令人善饑而不能食膽瘧令人惡寒驚怕睡卧不

安黃汗疽四肢俱腫汗出染衣黃疽遍身皮膚黃  
及面目小便俱黃穀疸食畢則頭眩心中拂鬱酒  
疽身目俱黃心中俱痛面發赤斑小便赤黃女勞  
疽身目俱黃發熱惡寒小便不利○已上凡三十  
症先以公孫為主治然後隨症取各穴應之

商邱 在內踝下微前陷中前有中封後有照海此穴  
居中內踝下有橫文如偃口形○足太陰所行為經  
○刺三分留七呼灸三壯

主治胃脘痛腹脹腸鳴不便脾虛令人不樂身寒善  
太息心悲氣逆喘嘔舌強脾積痞氣黃疸寒瘧體  
重肢節痛怠惰嗜卧骨疽痔疾陰股內痛狐疝走  
引小腹疼痛不可俛仰

神農經云治脾虛腹脹胃脘痛可灸七壯

玉龍賦云蕪解谿邱墟堪追脚痛

百證賦云專治痔漏最良

三陰交 在內踝上除踝三寸骨下陷中○足三陰之

交會○刺三分留七呼灸三壯妊娠不可刺

主治脾胃虛弱心腹脹滿不思飲食脾病身重四肢  
不舉飧泄痢血疫癘臍下痛不可忍中風卒厥不  
省人事膝內廉痛足痿不行凡女人產難月水不  
禁赤白帶下先寫後補小腸疝氣偏墜木腎腫痛  
小便不通渾身浮腫先補後寫

千金云內踝上三寸絕骨宛宛中灸五十壯主欬逆  
虛勞寒損憂恚筋骨攣痛又主心中欬逆洩注腹

滿喉痺項頸滿腸痔逆氣痔血陰急鼻衄骨瘡大  
小便澀鼻中乾燥煩滿狂易走氣凡二十二種病  
皆當灸之也○又云男女夢與人交洩精三陰交  
灸五壯喜夢洩神良○又治霍亂手足逆冷灸七  
壯不瘥更七壯○又治勞淋灸百壯三報之○又  
痔疾刺入三分亦主大便不利○又治氣癩水癩  
卵偏大上入腹灸隨年壯

玉龍賦云兼三里絕骨治連延脚氣

百證賦云兼鍼氣海專司白濁久遺精

席弘賦云冷嗽宜補合谷却須寫此穴○又云脚痛  
膝腫鍼三里又須兼懸鍾二陵三陰交太衝引氣  
并治指頭麻木

天星秘訣云兼合谷治脾病血氣○又云兼承山治  
胸膈痞滿飲食自喜

乾坤生意云兼大敦治小腸疝氣

昔有宋太子善醫術出逢一妊婦太子診之曰是一

女也徐文伯亦診曰此一男一女也太子性急欲剖視之文伯曰臣能鍼而落之為寫三陰交補手陽明合谷應鍼而落果如文伯之言故妊娠不可刺此穴且能落死胎

漏谷

一名太陰絡

在內踝上六寸骨下陷中○刺三分留

七呼灸三壯

主治膝痺脚冷不仁腸鳴腹脹痙瘳冷氣小腹痛飲食不為肌膚小便不利失精



地機

一名脾舍

在膝下五寸內側骨下陷中伸足取之一

曰在別走上一寸孔在膝下五寸○足太陰郄○刺

三分灸五壯

主治腰痛不可俛仰溇泄腹脹水腫不嗜食精不足

小便不利足痺痛女子癥瘕

百證賦云兼血海治婦人經事之改常

陰陵泉 在膝下內輔骨下陷中伸足取之或曲膝取

之與少陽經陽陵泉內外相對一曰稍高一寸○足

太陰所入為合○刺五分留七呼灸三壯

主治腹中寒痛脹滿喘逆不得卧小便不利氣淋寒  
熱不節腰痛不可俛仰霍亂疝瘕遺尿泄瀉陰痛  
足膝紅腫

神農經云治小便不通疝瘕可灸七壯

千金云小便失禁不覺刺五分灸隨年壯○又水腫  
不得卧灸百壯

玉龍賦云兼陽陵治膝腫之難消

太乙歌云腸中切痛陰陵調

靈光賦云治脚氣

席弘賦云治心胸滿兼承山飲食自思○又云脚痛  
膝腫鍼三里又須兼懸鍾二陵三陰交太衝行氣  
并治指頭麻木

百證賦云兼水分能去水腫臍盈

通玄賦云能開通水道

天星秘訣云若是小腸連臍痛先刺陰陵後湧泉

血海

一名百蟲窠

在膝臑上一寸內廉白肉際陷中一云

在膝內輔骨上橫入五分○刺五分灸五壯

主治女子崩中漏下月事不調帶下逆氣腹脹先補後寫又主腎藏風兩腿瘡癢濕不可當

百證賦云兼地機治婦人經事之改常○又云兼衝門治瘕癖有驗

靈光賦云兼氣海療五淋

箕門 在魚腹上越兩筋間陰股內廉動脈應手一云

股上起筋間○甲乙經曰太陰內市○刺三分留六  
呼灸三壯一云禁刺

主治小便不通遺尿鼠鼯腫痛

衝門

一名慈宮

上去大橫五寸在府舍下橫骨兩端約文

中動脈去腹中行三寸半○足太陰厥陰之會○刺  
七分灸五壯

主治中寒積聚淫瀼陰疝妊娠衝心難乳

百證賦云兼氣衝治帶下產崩○又云兼血海治疝

癖

府舍 在腹結下三寸去腹中行三寸半○足厥陰太陰陰維之會○甲乙經曰此脈上下入腹絡胸結心肺從脅上至肩此太陰都三陰陽明支別○刺七分灸五壯

主治疝癖腹脅滿痛上下搶心積聚痺痛厥氣霍亂

腹結

一名腹屈

在大橫下一寸三分去腹中行三寸半○

刺七分灸五壯

主治欬逆遠臍腹痛中寒瀉痢心痛

大橫 在腹哀下三寸五分平臍去中行三寸半○足

太陰陰維之會○刺七分灸五壯

主治大風逆氣四肢不舉多寒善悲

千金云主多寒洞痢 肢不舉灸隨年壯○又云多

汗四肢不舉少力灸橫文五十壯在俠臍相去七

寸亦屬此穴

百證賦云兼天衝穴治反張悲哭

腹哀 在日月下一寸五分去腹中行三寸半○足太陰陰維之會○刺三分灸五壯甲乙經云刺七分

主治寒中食不化大便膿血腹痛

食竇 在天谿下一寸六分陷中舉臂取之○刺四分灸五壯

主治胸脅支滿欬唾逆氣飲不下膈有水聲

天谿 在胸鄉下一寸六分陷中仰而取之○刺四分灸五壯



主治胃滿喘逆上氣喉中作聲婦人乳腫賁癰

胸鄉 在周榮下一寸六分陷中仰而取之○刺四分

灸五壯

主治胸脅支滿引背痛不得卧轉側

周榮 在中府下一寸六分陷中仰而取之○刺四分

灸五壯

主治胸滿不得俛仰欬逆食不下

大包 在淵腋下二寸○脾之大絡布胸脇中出九肋

間及季脇端總統陰陽諸絡由脾灌溉五藏○刺三分灸三壯

主治胸中喘痛腹有大氣不得息實則其身盡寒虛則百節皆縱

手少陰心經穴

心經穴歌

手少陰心起極泉青靈少海靈道全通理陰郄神門

下少府少衝小指邊

極泉

在臂內腋下筋間動脈入胸中○刺三分灸七

壯

主治心脅滿痛肘臂厥寒四肢不收乾嘔煩渴目黃

青靈

在肘上三寸伸肘舉臂取之○滑氏曰自極泉

下循臑內後廉行太陰心主兩經之後歷青靈穴○

甲乙經無此穴○灸三壯

主治頭痛目黃振寒脅痛肩臂不舉

少海

一名曲節

在肘內廉節後陷中又云肘內大骨下去

肘端五分肘內橫文頭屈肘向頭取之○手少陰所入為合○刺五分灸三壯一曰禁灸

主治寒熱齒痛目眩發狂癲癩羊鳴嘔吐涎沫項不得回頭風疼痛氣逆癰瘰肘臂腋脅痛攣不舉

千金云主腋下癰瘰漏臂疼痛風痺痿漏屈伸不得鍼三分留七呼寫五呼

席弘賦云心疼手顫少海間若要除根覓陰市

百證賦云兼三里穴治兩臂頑木

靈道 在掌後一寸五分一曰一寸○手少陰所行為

經○刺三分灸三壯

主治心痛悲恐乾嘔痰癆肘攣暴瘡不能言

通里 在腕側後一寸陷中○手少陰絡別走手太陽

經○刺三分灸三壯

主治熱病頭痛目眩面熱無汗懊懷暴瘡心悸悲恐

畏人喉痺苦嘔虛損數欠少氣遺溺肘臂腫痛婦

人經血過多崩漏

神農經云治目眩頭疼可灸七壯

玉龍賦云療心驚

百證賦云兼大鍾治倦言嗜卧

馬丹陽云治欲言聲不出懊懷及怔忡實則四肢重  
頭顛面頰紅聲平仍欠數喉閉氣難進口則不能  
食暴瘡面無容毫鍼微微刺方信有神功

陰郄

一曰手少陰郄

在掌後脈中去腕五分當小指之後○

刺三分灸三壯

主治鼻衄吐血失音不能言霍亂胸中滿灑浙惡寒厥逆驚恐心痛

標幽賦云止盜汗治小兒之骨蒸

百證賦云兼二間能踈通寒慄惡寒○又云兼後谿治盜汗之多出

神門

一名兌衝  
一名中都

在掌後銳骨端陷中當小指後○手

少陰所注為腧○刺三分留七呼灸三壯一云七壯

炷如小麥

主治瘧疾心煩欲得冷飲惡寒則欲就溫咽乾不嗜  
食驚憤心痛少氣身熱面赤發狂喜笑上氣嘔血  
吐血遺溺失音健忘心積伏梁大人小兒五癩證  
手臂攣掣

玉龍賦云治癩癩失意

百證賦云同上腕治發狂奔走

少府 在小指本節後骨縫陷中直勞宮○手少陰所  
溜為榮○刺二分灸三壯一日七壯



主治痰瘧久不愈振寒煩滿少氣胸中痛悲恐畏人  
臂痠肘腋攣急陰挺出陰癢陰痛遺尿偏墜小便  
不利

少衝

一名  
經始

在手小指內側端去爪甲角如韭葉○手

少陰所出為井○刺一分留一呼灸一壯一日三壯  
主治熱病煩滿上氣心火炎工眼赤血少嘔吐血沫  
及心痛冷痰少氣悲恐善驚口熱咽酸胸脅痛乍  
寒乍熱臑臂內後廉痛手攣不伸

玉龍賦云可治心虛熱壅

百證賦云兼曲池治發熱

乾坤生意云此為十井穴凡初中風跌倒卒暴昏沈  
痰涎壅滿不省人事牙關緊閉藥水不下急以三  
稜鍼刺少商商陽中衝關衝少澤及此穴使氣血  
流通乃起死回生急救之妙穴

手太陽小腸經穴

小腸經穴歌

手太陽經小腸穴少澤先於小指設前谷後谿腕骨  
間陽谷須同養老列支正小海上肩貞臑俞天宗秉  
風合曲垣肩外復肩中天窻循次上天容此經穴數  
一十九還有顴膠入聽宮

少澤

一名小吉

在手小指外側端去爪甲角一分陷中甲

乙經曰在小指之端去爪甲一分陷中○手太陽所  
出為井○刺一分留二呼灸一壯

主治痲瘡寒熱汗不出喉痺舌強心煩欬嗽瘕瘕臂

痛頸項痛不可顧目生翳及療婦人無乳先寫後

補

千金云耳聾不得眠刺小指外側端近甲入一分半

補之

玉龍賦云治婦人乳腫

百證賦云兼肝俞可治攀睛

靈光賦云除心下寒

乾坤生意云此為十井穴凡初中風卒暴昏沈痰涎

壅盛不省人事急以三稜鍼刺少商商陽中衝少衝及此穴使氣血流通乃起死回生急救之妙穴

前谷 在手小指外側本節前陷中○手太陽所溜為

榮○刺一分留三呼灸三壯

主治熱病汗不出痲瘡癩疾耳鳴喉痺頸項頰腫引耳後欬嗽目翳鼻塞吐衄臂痛不得舉婦人產後無乳

後谿 在手小指本節後外側橫文尖上陷中仰手握

拳取之一云在手腕前外側拳尖起骨下陷中○手  
太陽所注為腧○刺一分留二呼灸一壯一云三壯  
主治痲瘧寒熱目翳鼻衄耳聾胸滿項強癩癧臂肘  
攣急五指盡痛

神農經云治項強不得回顧脾寒肘疼灸七壯

玉龍賦云專治時疫痲瘧

攔江賦云專治督脈病癩狂

百證賦云兼環跳治腿痛○又云偕勞宮可治消疸

○又云同陰郄治盜汗之多出

通玄賦云治頭頂痛立安

千金十一穴云兼列缺治胸項有痛

一傳治蚤食午吐午食晚吐炎此左右二穴九壯立  
愈

捷法云療手足攣急屈伸艱難手足俱顫不能行步  
握物頸項強痛不能回顧顙頰紅腫咽喉閉塞水  
飲不下心肺二經熱病雙蛾喉痛肺與三焦熱病

單蛾咽腫上下牙兩頰疼痛牙關緊急不開頸項  
紅腫耳聾氣痞疼疾痛耳內或鳴或癢或痛雷頭風  
眩暈嘔吐痰涎腎虛頭痛頭重不舉肝厥頭暈及  
頭目昏沈偏正頭風疼痛兩額顛脊角疼痛太陽  
痛頭項拘急痛引肩背醉後頭風嘔吐不止惡聞  
人言眼赤痛衝風淚下不已破傷風因他事觸發  
渾身發熱癩狂○已上凡三十餘證先以後谿主  
治後隨證加各穴分治之



腕骨 在手外側腕前起骨下陷中○手太陽所過為

原○刺二分留三呼灸三壯

主治熱病汗不出脅下痛不得息頸項腫寒熱耳鳴  
目出冷淚生翳狂悵偏枯臂肘不得屈伸瘧疾煩  
悶頭痛驚風痲癩五指掣攣凡心與小腸火盛者  
當寫此渾身熱盛先補後寫肩背冷痛先寫後補  
玉龍賦云又兼中腕治脾虛黃疸

通玄賦云腕骨祛黃

陽谷 在手外側腕中銳骨下陷中○手太陽所行為  
經○刺二分留三呼灸三壯

主治癩疾發狂妄言左右顙熱病汗不出脇痛項腫  
寒熱耳聾耳鳴齒痛臂不舉小兒瘰癧舌強

百證賦云兼俠谿治頷腫口禁

養老 在手外踝骨上一空腕後一寸陷中○手太陽  
郄○刺三分灸三壯

主治肩臂痠痛肩欲折臂如拔手不能上下目視不

明

百證賦云兼天柱治目視眈眈

張仲文傳灸治仙法療腰重痛不可轉側起坐艱難  
及筋攣脚痺不可屈伸

支正 在腕後外廉五寸○手太陽絡別走少陰○刺  
三分留七呼灸三壯

主治五勞癩狂驚風寒熱頷腫項強頭痛目眩風虛  
驚恐悲憂腰背痠四肢乏弱肘臂不能屈伸手指

痛不能握

百證賦云兼飛陽可治目眩

小海 在肘內大骨外去肘端五分陷中屈手向頭取之○手太陽所入為合○刺二分留七呼灸五壯七壯

主治肘臂肩膈頸項痛寒熱齒根腫風眩瘍腫小腹  
痛五癰瘕瘕

肩貞 在肩曲胛下兩骨解間肩髃後陷中○刺五分

灸三壯

主治傷寒寒熱頷腫耳鳴耳聾缺盆有中熱痛風痺

手足不舉

臑俞 在肩髃後大骨下胛上廉陷中舉臂取之○手

足太陽陽維陽蹻之會○刺八分灸三壯

主治臂痠無力肩痛引胛寒熱氣腫痠痛

天宗 在秉風後大骨下陷中○刺五分留六呼灸三

壯

主治肩臂痠疼肘外後廉痛頰頷腫

東風 在肩上天膠外小髃骨舉臂有空○手太陽陽

明手足少陽之會○刺五分灸三壯

主治肩痛不可舉

曲垣 在肩中央曲胛陷中按之應手痛○刺五分灸

三壯甲乙經曰十壯

主治肩臂熱痛拘急周痺

肩外俞 在肩胛上廉去脊三寸陷中與大杼平○刺

六分灸三壯

主治肩胛痛發寒熱引項攣急周痺寒至肘

肩中俞 在肩胛內廉去脊大椎旁二寸陷中○刺三分留七呼灸十壯甲乙經作三壯

主治欬嗽上氣唾血寒熱目視不明

天窻

一名窻籠

在頸大筋前曲頰下扶突後動脈應手陷

中○刺三分灸三壯甲乙經作刺六分

主治頸癭腫痛肩胛引項不得回顧頰腫齒噤耳聾

喉痛暴瘡

千金云狂邪鬼語灸九壯○癰疹灸七壯

天容 在耳下曲頰後○刺一分灸三壯

主治瘦氣頸癰不可回顧不能言齒噤耳鳴耳聾喉痺咽中如梗寒熱胸滿嘔逆吐沫

顴膠

一名兒骨

在面頰骨下廉銳骨端陷中○手少陽太

陽之會○刺二分禁灸

主治口喎面赤目黃眼瞶不止頰腫齒痛



百證賦云兼大迎治目眩妙

聽宮


一名多所聞

在耳中珠子大如赤小豆○手足少陽

手太陽之會○刺三分灸三壯

主治失音癩疾心腹滿耳內蟬鳴耳聾

百證賦云兼脾俞能祛心下之悲悽



類經圖翼卷六